

inv. M6685 36

3

4

5

6

7

8

9

10

11

12

13

14

15

16

17

18

19

20

21

22

23

24

25

26

inv.1668536



functi: aut vtilitati q̄ virtuti seruire. Solam Hispaniam
ad honorem natam: pro honore & viuere posse: & mori, q̄
si vos ea quæ animis vestris a natura penitus insedit glorie
cupido: si religionis pietas pro qua receptis ex hostium ma-
nibus multis Regnis victores sepe pugnaſtis, Si deniq̄ vni-
uersi salus orbis mouet: patiamini quæſo quo animo Regē
vestrum paululum abesse: ea tamen lege vt rebus rite pera-
ctis confestim ad vos. Augustior redeat. Et vt finem faciā
viri Hispani talem regem habituri estis: qualem vestra
virtute: vestra magnitudine: vestra deniq̄ concordia fece-
ritis. Vos. n. soli cursum fortunę meę iuuare: vos soli retine-
re potestis. Cum nec Hispaniē quicq̄ deesse possit nec obel-
ſe: nisi seipsam Hispania deseruerit: aut illi Regi defuerit:
qui nunq̄ Hispaniē defuturus sit. Quapropter curate que-
ſo tum vestra, tum Regis vestri causa: vt parē animo suo,
parem Imperio Regē se habere gloriari possit Hispania.

IANI VITALIS CIVIS ROMANI
IN CORONATIONE CARO,
LI CÆS. IMP. MAX.
PANÆGYRIS.



ILLVSTRISS. DOMINO DOMINO
Ioanni Hemanueli Cæs. Mæst. Consiliario
ac apud. S. D. N. Oratorem Digniss.
Ianus Vitalis Ciuis Romanus, felicitatem,
D.

Non potui Illustriss. Domine quin & ego aliqd
congratulationis signum cum cõmuni omniũ
læticia ostentarem de accepta/a Domino Nostrò tam
fauste, tam feliciter florentissimũ Imperii corona, idq;
apud Germanos/a quibus & colitur, & obseruat æque
ac deus. Atq; vtinam res vt cœpere. i. secundę perseuer
rent, qd non dubito, cum mecũ ipse repeto, Tot ex
cellentissimorum ingenia diuturnis rerum vsibus satis
exercita apud. S. Maiest. domi aduigilare, cumq; te
foris apud. S. D. N. pro eadem insudare, cumq; etiam
talem Principẽ eum esse existimo ac pro certo habeo,
pro cuius autoritate conseruanda Fortuna, & Virtus
pugnent, qua re ductus hæc extemporanea pene &
magis ad animum erga Maiest. suam demonstrandũ
q̃ aliud, ludere, tibiq; dedicare volui, tanq̃ interpreti
apud Maiest. suam seruitutis erga se meę, accipe itaq;
qualiacũq; sint & boni ac æqui consule. Vale.

ANNO DOMINI 1612

QVIBVS VERBIS VTERETVR
FORTVNA, IN CORONATIO,
NE CAROLI CÆS. IMP. MAX.

Hoc sceptrum, Hunc Ensem,
Tibi nate hanc ecce Coronam
Insignitam auro, argentoq; Indisq; Sm aragdis
Accipe dona tui Imperii inuictissime Cæsar,
Vicisti, & victam omnipotentes tendere palmas
Vidisti nunq̃ domitas, nunq̃ ante subactas:
Nil in te possum, noster labor irritus omnis
In te omnes vane (si quas concepimus) iræ
Nanq; ego cum multos felicibus vndiq; captis
Fortunarum homines, tamen inde inimica inimicos
Ostentaui animos, tenebrisq; & inanibus vmbis
Rerum humanarum mersos, & sordibus actos
Immundis ignominie, procul agmine ab illo
Fortunatorum eieci insidiosa virorum;
Tu vero in terras diuum alto ex ordine missus
Maximus, & magno prognatus Cæsare Cæsar,
Humanum nihil, aut mortale in pectore seruas,
Omnia diuina, & diuinis sedibus hausta
Docta tibi exhibuit Natura, Vsuq; magistro
Ars docuit mores æquos, Rectumq; Bonumq;
Excolere, & studiis non, degenerare parentum,
Ergo vices nostras nihil est q̃ nate tremiscas,

A ii

Munitus præclaro animo, ingenioq; potente
Dilectus cæloq; & sideribus pacatis.
Quinetiam (quoniã magna es mea gloria solus)
Fœdera iungamus pariter, communibus orbem
Auspiciis bello ardentem, furiisq; regamus,
Vos igitur Parce, vos omnipotentia fata
Tendite crescenti iuueni non inuida stamen
Immortale, sibi longęuz sæcula vitæ
Constituatur, votis nec vos obsistite nostris
Ipsa ego magnanimũ horrēdis comitabor in armis,
Teq; in pace pium, te publica iura gerentem,
Te miseros opibus firmantem, atq; omnium egenos,
Deniq; quicquid ages fortunatissime rerum
Felicem inuenies cursum, o felicia tandem hæc
Tempora, felices qui te regnante reguntur,
Maxime rex (Mundi cui res conceditur) æuo
Natus fortunato, & fidere fortunato,
Nunc igitur nunc pura Fides, nunc candida mūdum
Iustitia inuisset stabilis, iustoq; vigeat
Intemerata foro, iam iurgia, iam mala vulgi
Ambitio, & ritus imitantia probra ferarum
Vanescent, nũc illa dies qua publica mundo
Libertas oritur, manibus date lilia plenis
Aonides diuæ, Romanorumq; triumphos
Et Charolum, & Decimũ melius cantate Leonẽ
Fortunati ambo, quos aridentibus astra

Viribus aspiciunt, suspectos sidera vobis
Mutauere locos, & coniurata duobus
Principibus sine bile fauent, iam impellere secla
Dedicere odiis mortalia, non fera Martis
Æstuat in vobis rabies, non dira cupido
Saturni, & miseros inhians accensa tumultus
Cornibus æternum faustis Hyperionis ibit:
At tibi pulchra Venus niueum cõplexa iuencũ
Stabit, & Herculeum spectabit læta Leonem
Vnde potens placida imperiũ cum pace gubernes,
Vnde Dionei fulget tibi Cæsaris astrum
Gratum cælicolis, felix mortalibus astrum.
Iuppiter ipse tibi nõ hunc tantum optimus orbẽ
Subdidit, ast alium ignotos patefecit ad Indos
Faucibus oceani extremis vbi sidera fulgent,
Nunq̃ nota prius, Zephyris vbi mollibus Annus
Luxuriat felix, atq; omnia perpetuum ver
Fert melius, diuum patria hæc, atq; omnipotentis
Naturę natale solum, sponte omnia tellus
Suggestit, & pomis populos vitalibus auger,
Pocula sufficiunt intacti mollia fontes
Et vulgo arboribus distillant dulcia mella,
Illum ego perpetuis tibi legibus integra mundũ
Firmabo, populosq; tuos tua iura docebo,
Ergo ibo ipsa meas gratissima visere sedes
Quæ fortunatis circum æquora blanda colonis

A iii

Insulæ Oceano in medio loca grata tenentur.
Hinc ego dum innumerum (rerum ditione potitus)
Dona recognoscēs populorum, & nomina discēs,
Dumq; recensēbis moresq; habitusq; tuorum,
Vsq; ab odoriferis mittam tibi dona Sabeis
Grandia, fulgebit pretiosis mixta Piropis
Purpura, & ornatis ostroq; auroq; Smaragdis,
Aut Ebore, aut Adamante, aut puniceis Corallist
Ergo Vale, & matris serua felicit amorem,
Per solatia cara, per altricem genetricem,
Sis carus populis, diis gratus, nil tibi turpe
Admittas, verē pro religionis honore
Nil vnq̃ intentatum aīo, infectumue relinquas,
Nam tibi cum magno generisq; domusq; decore
Hoc Scep̃trū, hūc Ensem tibi nate hāc ecce Coronā,

AD CARO. CÆS. ROMANO,
RVM REGEM EXORTATIO
CONTRA THVRCAS.

Ode Tricolos Tetraastrophos,

SI quis superbas, diuitiis potens
Fundaret ades vrbibus in bonis
Aphris columnis centum eburnis
Et solido trabibus metallo
Primum polita, & conspicua velit
Et fronte spectari, & facie aurea,
Et porticu picta, & patenti
Vestibulo bene constituto,
Mox claustra circum, atq; in medio atria
Componet ampla, & diuidet vndiq;
Aptas fenestras, mox decorum
In nemore instituet sacro
Templūq; & aram, quam super integra
Aptat beatus lilia dextera,
Aut floribus miscet rosarum
Mollem hederam, teneramq; Myrrhum,
Sic nos domum ingentem hanc tibi Carole
Primum erigentes Pierio in sinu,
Centum columnas has locamus
Grande decus decorum tuorum

In fronte regum progeniem tuam
Pingemus altam, & regibus inclutam
Stirpem trecentis, & potentum
Tot populos domitos Triumphis,
Hinc victum, & auulsum vrbibus/e/tuis
Penum rebellem, dum male Cantabrum
Ad bella sæuum, dum feroces
Asturas, Artabriosq; contra
Stat milites, & sanguine Punico
Calpen rubentem, hinc æquor Atlanticum,
Hinc Adriam desequientem,
Hinc Siculum, hinc Libycum profundum,
Addam & tuarum præmia grandia
Virtutum in ipso sine pueritiæ
Matura, florentem ante pubem,
Vere nouo tenerè iuuentæ
Virtus tenella crescit in arbore
Si culta tellus, si sola pinguis,
Regnare natus magna in vrbe
Rex iuuenis, bonus, atq; prudens
Missus deorum consilio venit,
Ad bella promptus, vim procul eruit,
Debellat hostes, vastat vrbes,
Et timor est populis propinquis
Sic semper horrens Marmaricus Læo
Vngues acutos cote acuit, feror
Vt mox ferarum seuiori
Vi, rabidam rabiem repellat,

Defœuientem dehinc nimis in sitim
Diram cruoris febribus occupat
Natura, viresq;, & medullas
Atterit indomitas frementis
Æquum ferarum, Iuppiter, omnibus
Seclis colendum, & Iustitiam dedit
Quam nec repugnant, nec laceſſunt
Sed proprios adhibent ad vsus
Natura leges omnibus intulit
Occulta, præſcripſitq; adamantinis
In corde ſignis quæ ſequatur
Bellua, cur fugiat quod obſtat,
Non iura nobis, nec dedit impia
Præter ferocis damna ſuperbię
Iras, labores, & tumultus
Horribiles, miſeręq; cędis
Infanum amorem clauſit in oſſibus
Nec monſtra nobis ſcœua magis dedit
Quam noſmetipſos ille rerum
Author, ad ingenium nocendi,
Concurrit armis, alter in alterum
Depræliantes, ille patri necem
Tenditq; fraudes immerenti
Impatiens nouus vt ſit hæres
Alter veneni pocula noxi
Fratri prophanus porrigit, ah ſcelus
Nec parcit ipſiſ dira mater
Pignoribus, proprio aut marito

Securum ab ipso nil homine est viris
Vnis, regendi mens hominum fame
Atq; auri auaro ducta amore
Cæca ruit facinus per omne
En en superbas Thrax ferus apparat
In nos cohortes, castraq; Parthica
Addit pharetratis Gelonis,
Et phrigios, celeresq; Persas,
Doctum & venenis spicula medicis
Armare Pænum, nec metuentia
In morte mergi gloriosa
Pro patria incolumi atra Bactra
Nec Terra tantum non capit has manus,
Verum per altum vela volant salum,
Credas superbas innatare
Cycladas, Æoliasq; moles,
Hæc est deorum consilio tuæ
Decreta fronti laurea Carole
Nec tu finas hostes inultos
Vertere sacra, fidemq; nostram,
Regum est Tyrānos vincere perfidos,
Et pertinacem auferre superbiam,
Regi potenti grande probrum est
Ferre iugum rigidi Tyrāni,

FINIS.

